

錦官內

閣

小

志

附內閣故事

爵衣

志志



內官圖

圖

中

圖

圖

圖

圖

圖

圖

圖

圖



錦

衣

志

王世貞撰

中華書局

叢書集成初編

錦衣志（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此 據 紀 錄 彙 編 本  
影 印 初 編 各 叢 書  
僅 有 此 本

錦  
衣  
志

紀錄彙編卷之一百九十五

錦衣志

王世貞

客有徵錦衣事者不能詳余以所聞荅之退而詮其語曰錦衣志

高皇帝初卽位置司曰儀鸞掌侍衛法駕鹵簿使冠文冠十五年罷置司改設錦衣衛指揮使一人秩三品同知二人從三品僉事三人四品鎮撫二人五品所千戶五品副千戶從五品百戶六品鎮撫七品冠武冠所統曰將軍力士校尉凡上大朝賀

宴群臣指揮自使而下得及介侍左右廷列其從  
校五百人夜則殺十之九入圍宿侯指使京師衛  
四十八獨錦衣金吾龍驤虎賁等凡八衛毋隸大  
都府稱親軍云而 上時時有所誅殺或下鎮撫  
司雜治取詔行得毋徑法曹其祿秩名號無以越  
異諸軍也乃勢則奕奕不啻過之二十年治錦衣  
事者失其名頗恣而舞文有所操舍上知其狀執  
退之悉火其榜掠具又六年詔內外獄毋得上錦  
衣衛諸大小咸徑法曹終高皇帝世錦衣衛不復  
與典獄稍稍夷它軍夫而燕王初起帥師蕩山東

度臨邑臨邑書生紀綱叩馬首請效王與語悅之  
綱善騎射頗諳法家言便辟應對刻精詭秘耐逆  
鉤人意所嚮先發以爲績王日益幸愛之既卽位  
擢綱自忠義衛千戶爲都指揮僉事治錦衣親兵  
復典治詔獄 天子旣蹂藩國起以師脅惜大位  
內不能毋自疑人人異心有所寄耳目矣綱覘之  
益布其私距日夜操切陰計聞 上上以爲忠暱  
之聲咳亡間卽淇成諸公號元勛見則自匿引不  
敢以身比數而綱小人也遂驕窮意爲非行僚屬  
指揮莊敬袁江千戶王謙李春等故無賴曲侍奉



綱相緣借奸利數百千端上久亦頗悟疎之中貴  
素仇綱者白發其端上令給事御史廷劾下御史  
院按驗俱有狀上大怒即日捕誅綱殲於市仍夷  
三族而令御史院罪狀綱其略曰謹按故都指揮  
綱儼薄馭僉陰斂陽卻攬秘蠶尾包藏虺心積稔  
惡揭未易指數按綱前後使腹心幹僞爲詔下諸  
司塩場勒塩四百餘萬還復稱詔奪官船二十艘  
牛車四百輛載入私第弗予儼人牛立稿又卽獄  
喝持大賈數十百家家索賂不等爲黃金三百五  
十兩白金二千兩鈔四十五萬貫帛千五百疋又

挾詐取交阯使黃金八十兩金盆一異寶二十枚  
奪民人倪貴等第舍莊宅十七所計直金三十餘  
萬匿縣官子民地八所直二十餘萬從籍故晉王  
乾沒黃金五百兩金盆一寶釧二白金鞍轡二又  
從籍故吳王沒瑟瑟御龍服王冠還輶衣故王冠  
服坐高坐置酒命優童真保道真吉祥等伎樂  
奉觴上壽呼萬歲徐芳卿等無恙敬舉卿之觴綱  
諸所用金裝八寶環八寶帽飾玉盞玉水池硯珊  
瑚犀毗玉束帶紅輔牀玉石馬几咸飾交龍日月  
星斗度如乘輿副又上所怒內侍右班當下綱論

葉市者輒將至家具洗沐好食食之陽爲言見上  
赦若誘取金帛且盡更數日將至市煞之而先日  
以行刑報常喜道姑陳氏安首欲買置騰爲都督  
薛祿所先怨之遇於大內持鑊鑊祿首腦裂幾死  
祿懾噤不敢言又道恚都指揮啞失帖木不避誣  
持其冒賞事檉之死綱家蓄養亡命耗山劉等多  
造鐵甲弓弩萬計衛取良家子十八以下數百人  
充左右役詔選婕好才人既試可令暫出待歲綱  
輒簿錄其尤者內之別以次塞莫敢問吳人故大  
豪沈萬三子文度萬三生嘗伏法 高皇帝籍沒

其家所漏貲尚富而文度頗爲人把持其短患之  
因綱令人蒲伏見白進黃金百兩白金千兩龍文  
被一牀龍角一株奇寶十具異繒綺四十疋願得  
從贄御列爲外府外廐歲致粢六百石鈔二十萬  
貫醞百石布帛以時進食餌羞果以月進綱許之  
仍語文度吾後庭未克若爲我吳中徵好者不爲  
數文度因是挾綱什五而分民間室亡誰何者綱  
自唯威日重重且迫上冀得所欲當端午上射柳  
綱私其司射鎮撫龐瑛曰我故射不中而子析柳  
鼓噪以觀兵部尚書御史既射綱謬爲不中瑛折

柳鼓噪竟射無紉者綱乃喜吃曰是無能難我矣  
按綱爲天子腹心臣負委任妄意不軌擢綱髮不  
足數罪罪誠當萬死其僚指揮敬江千戶譏春鎮  
撫瑛比周爲誣罔當死并諸應從坐人以輕重受  
條詔曰可頒示天下自紀綱誅終文皇帝世錦本  
衛雖典詔獄畫可領諾而已氣骸中消不復能望  
綱矣宣宗朝初理衛事者指揮使王節上嘗燕見  
太師 英國公張輔從容言公有昆季在可加恩  
乎太師頽首言主臣輒若輒者蒙上大恩以臣故  
備近侍祿二千石然奢內好酒獨從弟兵部左侍

卽信賢可使也上召見信曰是英公弟耶趣武冠  
冠之遷錦衣指揮使于世襲信爲人索廉於詔獄  
頗任云未免出爲四川都指揮使信以部臣遷於  
職爲左頗不懌然自是諸后妃尚主公侯中貴人  
子弟當授官者皆寄祿錦衣以才諳選遞進治事  
鮮世業矣英宗初理衛事者指揮僉事劉勉指揮  
使徐恭咸文無害上年少中貴人用事者王振張  
甚弟山海俱緣振官指揮治錦衣事貴顯矣然俱  
盛年推稱重淫色而湛飲多鬪鷄擊鞠狗馬之好  
不事事頗推繇馬順馬順者亦指揮也以義子事

王振見必膝行。遽陳戚施。振甚懼。壁之。國子祭酒李時勉有所忤。振陰令順行其伐。廟木事彙三木。廟門久之。始釋有雷震。奉天殿。鴟吻翰林侍讀劉球。應詔上封事。語多侵振。振大怒。而會編脩董璘言。太常用道流不稱。請自爲卿。共祀忤。上下獄。順榜答璘。使引球爲具藁草。卽朝班中。棒之出球。不知所坐。歎第曰。若使振死。我死卽訴上帝耳。竟與董璘益死獄。家人行求屍。順故糜之弗得也。而順有子年二十餘。病彘。父因矣。歛起。持順髮。拳且蹴之曰。死老奴。令而異日。禍隄我。我劉球也。順再拜。

謝罪不可俄而子死中貴人振以上北伐虜也先  
陷土木敗聞時郟王監國朝群臣伏闕泣請籍振  
家併誅振弟指揮山海未報衆忿闕無所泄而馬  
順前謂衆姑已胥後命給事中王竑直前提梓順  
曰是非奸人黨耶衆趣前擊殺順瀆吏血肉塗起  
不可辨矣王恐乃下令誅山海藉中貴人振家因  
併藉順蓄藏金珪無筭於是理錦衣事者指揮畢  
旺碌碌循職而已而英宗之在虜營也校尉袁彬  
始得見袁彬者少以材力射生選從刺姦緹騎既  
從征沒虜麾下牧馬美久之乃使侍上上方坐橐



馳帳中咄咄無所出得彬甚喜彬温多計數善言  
咲時時爲隱語悅上獲一羊髀烹而共啖之晝谷  
薪伐冰夜則以背承上足而寢虜挾上攻雲中轉  
戰上谷遂矚関而下趨京師小不遂輒欲殺彬上  
至爲泣請之不得而哈銘者故夷種官爲賜姓楊  
以譯鞬從陷虜頗幸也先間以詎諧解之僅免也  
先欲使妹尚上上謀之彬曰不可請辭以返國而  
聘彬嘗病中寒上親爲治糜啖之身壓彬背汗洽  
良已及暮上還稱太上皇絀彬勞僅拜錦衣百戶  
太上皇還爲皇帝即日召見彬語絮且泣超爲都